



بتتصل

بتتصل فكرانى هقبل ارد

وكأن شوقها ليا فاق الحد

وكأنها بتحس بيا وكأنها بتخاف عليا

وكأنها حببتي لحظه بجد

بتتصل

هتسألى عن صحتى

وانتى السبب فى غربتى

وهتسى مين اللى وعد

مين فينا خان العهد





ويوان شريط فكريات



وانتى اللى خدتينى السما

وانتى اللى خدتينى لسابع ارض

حببت وكانت دنيتى عينيكى

وقتلتى فرحة عمرى باديكى

زرعتى ايامى اللى جايه بشوك

وزرعت ايامك بأجمل ورد

نسيتى ازاي احساس دفا حضنى

وازاي عيون الناس بتحسدنى

وازاي هوانا كان بيحبيننا

وازاي مدفينا فى عز البرد





ويوان شريط فكريات



خدتك فى حضنى كنتى محتاره

وطلعتى زى الدنيا غداره

حسبتيها بمكسب واللا بخساره

وف لحظه شفتى مكسبك فى البعد

أصعب ألم لو يوم حبيب خان أو ظلم

أصعب ألم بيحول الدنيا لعدم

كسبتي إيه لما قتلتى فيوم برئ

وخدتى إيه لما حكمتى يموت غريق

غريق فى بحر الوحده والغربه

عائش بدقة قلب كان لعبه





ويوان شريط ذكريات



هتقولى ايه لو يوم فتحت عليكى

هتقولى آسفه خلى اسفك ليكى

فكرانى هقدر اصدقك بعد اللى كان

نفس الشفايف والكلام انتقال زمان

انا كنت عايش دنيتك.....

وكنت بعشق رنتك

لا هقبل افضل لعبتك

ولا يوم هصدق كدبتك

وبين طريقى وسكتك الف سد وسد

كفرت بالحب وكفرت بكل انثى

وعشت منغير قلب قدرت ابعده وانسى





مش هسمعك ولا هتخدع تانی

سیبینی اعیش یأسی وحرمانی

سیبینی اکمل عمری بتألم

مش رنه هترجعنا تانی لبعض

بتتصل فکرائی هقبل ارد

